

19 MARTIE

**ACATISTUL
SF. CUVIOASE
SOFIA
OLELKOVICI
DE LA SLUŢK**



**ACATISTIERUL PE MARTIE
MOSCOVA**



Акафист
святой праведной
Софии Слуцкой
Кондак 1

Благословенным Промыслом Божиим
рожденная на свет от юности Христа
Бога возлюбившая, до смерти твердую
веру и терпение хранившая, верных чад
Божьих во дни гонений оберегшая,
благолепие истинной веры утвердившая,
мир для народа своего у Бога
испросившая, Божью Церковь от рук
еретиков спасшая и всю себя в Руци
Божьи предавшая, мучение пред
кончиною со смирением и величием
понесшая. Сонм святых православных в
земле белорусской обогатившая. Рода
княжеского святая праведная
заступница православных христиан в
земле нашей просиявшая,
благодарственно воззовем ти:

Радуйся, София, скорая помощница
всем, с верою и любовью к тебе
притекающим!

Икос 1

Небес и земли Создатель, призревший
на смиренные мольбы верных чад, явих
тя яко чадо Свое Церкви Своей святей
заступницей и оградительницей от
безумия нечестивых в земле
белорусской, миротворицей и
ревнительницей благочестия. Тя же
возлюбленную Христом праведную
Софию с любовью восхваляем сице:

Радуйся, Святаго Духа селение;

Радуйся, рода православного
прославление;

Радуйся, с сонмом святых воссияше;

Радуйся воином Света Нетленного
ставшая;

Радуйся, София, скорая помощница
всем, с верою и любовью к тебе
притекающим!

Кондак 2

Исповедаше веру истинную и любовь
нелицемерну, блаженная отроковице
София вопиеши с нами Богу победную
песнь: Аллилуия.

Икос 2

Како в псалмех воспеваша: Сироте Ты
помощник, сохранил сироту под опекой
знатных и имение её не разорих. Отец
сирот и судья вдов Бог во святом Своем
жилище, принял и отроковицу Софию,
избрав на путь служения Своего.

Видящии же сие служение воспеваху те
сице:

Радуйся, истинную веру исповедаше;

Радуйся, мзду Господню восприяше;

Радуйся, имение земное на небесное
променяше;

Радуйся, пред Господем в благолепии
предстояше;

Радуйся, София, скорая помощница

всем, с верою и любовью к тебе притекающим!

Кондак 3

Во дни вражды и смятения, войны и скорби приближения, гибели человеков и земли опустошение, безумие сие жертвенною мудростию остановила, оружие противоборствующих отвращая. Видивше милость Божью в тебе проявленную Миротворца Христа Бога прославляем песнию: Аллилуия.

Икос 3

Милости Божией предавая живот свой, честным замужеством честною пред Господом и Спасителем своим остаясь, сие памятуя, мудрость Божью в тебе прославляем, вопияше сие:

Радуйся, вражды и брани утешительница;

Радуйся, миротворица Божия блаженство восприявшая;

Радуйся, к Церкви Божьей
ревнительница;

Радуйся, для верных Божьих радость и
ликование устраяя;

Радуйся, София, скорая помощница
всем, с верою и любовью к тебе
притекающим!

Кондак 4

Сохраняя верность Христу и заповедям
Его, благословение Божее испросиши к
понуждаемому замужеству за
следующим с еретиками мужем, не
отреклася от веры православной, всю
себя Христу Богу предавая, воспеши Ему:
Аллилуия.

Икос 4

К благоразумию супруга склонявшая,
воина непобедимого в брани, сама
облеклась в доспехи духовные, Христа
Бога восхваляя и прославляя мужеством
и отвагою в брани невидимой. Сие

познаше, благочестия воинственницу
восхваляя, средь сонма небесных воинов
к тебе воспеваху сице:

Радуйся, благочестия хранительница
верная;

Радуйся, благодатию Божьей от вражьей
силы видимой и невидимой
огражденная;

Радуйся, вражье воинство любовью к
Богу и ближнему своему победившая;

Радуйся, предстательница пред
Престолом Божьим, победу и мир
православным христианам на Белой
Руси испросившая;

Радуйся, София, скорая помощница
всем, с верою и любовью к тебе
притекающим!

Кондак 5

Гонениям на православных христиан
предстоя яко столп, утвердивыйся
против унии еретической, многих в

правоверии утвердила пети Богу:
Алилуия.

Икос 5

Разумом уразумеv истинность веры православной, славя Единого Бога в Пресвятей Троице, Промыслу Божьему путь свой земной предав, безумие еретическое облекла, врага рода человеческого праведным житием и смиренномудрием отгнав, верных Христовых раб от козней вражых упасая. Сего ради любомудрие твое почитая, София, Христу Богу верная, тя восхваляем сице:

Радуйся, православия утверждение;

Радуйся, врага рода человеческого обличение;

Радуйся, язв народа своего исцеление;

Радуйся, любомудрая госпоже;

Радуйся, София, скорая помощница всем, с верою и любовью к тебе притекающим!

Кондак 6

Укрепиши властною грамотою веру православную в городе Слуцке и Копыле и во всем княжестве Слуцком и Копыльском, а также в имениях своих под благословением православного патриарха, сохраняя на вечные времена неприкосновенно, безо всякой перемены в совершенной свободе Церковные богослужения православные и отгнавши насилие еретиков, укрепляеши и нас воспевати радостно Богу: Аллилуия.

Икос 6

Жертву за ближних отдавая, Христу Господу послужиша, еретическое злосмрадие остановиша, грамоту оградительную для православных христиан испросише, мир и ликование Церкви Христовой в земле белорусской подавая. Благодарнии за сие, величая тя, восхваляем сице:

Радуйся, рода своего славное

прославление;

Радуйся, православных христиан в
земле белорусской укрепление;

Радуйся, ересей и безумие отвращение и
многих вразумление;

Радуйся, Церковь Божию от гонителей
веры завещанием и грамотою
оградившая;

Радуйся, Христа Бога нашего всем
сердцем своим возлюбившая;

Радуйся, София, скорая помощница
всем, с верою и любовью к тебе
притекающим!

Кондак 7

Сохранившая чад своих в вере
православной и святыни Слуцкие от
еретиков, вдохновиша народ на подвиги
веры. В граде Слуцке воссияв
светильником праведности, житием
своим удивляя отошедших от Церкви
Божьей, оградивши веру истинную из
рода в род неизменную от крещения

Руси. И тамо многих научиши пети Богу:
Аллилуия.

Икос 7

Содержаше монастыри и храмы Божии,
рукоделием своим драгоценные
священческие облачения сотворих,
послужиши и делом и словом, милостию
и великодушием верным Господу и
Церкви Его Святей. Приютише
богомольцев и гонимых за Христа, сама
богомольцей во дни престольные
хождаше в Храмы. И то ведущее с
любовию воспеваем те сие:

Радуйся, чадолюбивая мати
благочестивая;

Радуйся, чад своих от еретического
злосмрадия сохранявая;

Радуйся, светильниче праведности
незатухаемый;

Радуйся, Божья домоустроительница
неутомляемая;

Радуйся, благоукрасительница Церквей

и монастырей щедрая;

Радуйся, странноприимица бедным;

Радуйся, София, скорая помощница
всем, с верою и любовью к тебе
притекающим!

Кондак 8

Освященная Образом Покрова Божьей
Матери в богатой ризе, от младенчества
имеши Благословение Божее и
Покровительство Пречистой Девы,
оберегла Святыню сию до последних
дней своих, научающе верных
благоговети образу Её со кротостью,
воспеваше Богу: Аллилуия.

Икос 8

Видяше благоговение твое пред верою
истинною и святынею, и по смерти
твоей Сам Господь в святыню тебя
возвел, призывая верных пети те сие:
Радуйся, святынь хранительница
верная;

Радуйся, под Покровом Божьей Матери
сохраненная;

Радуйся, благоговением к святыням
православным освященная;

Радуйся, молитвенница кроткая;

Радуйся, София, скорая помощница
всем, с верою и любовью к тебе
притекающим!

Кондак 9

Овчей Божьей в стае волчей пожиша,
невредима милостью Божьей спасаясь,
паству Христову сохраняя и укрепляя,
смиренно смерть телесную приняв,
последнюю Богу жертву отдая, в Руце
Спасителю Богу отошла, претерпевши
до конца. Мы же дивясь твердости веры
твоей устнами не престаем пети Богу:
Аллилуия.

Икос 9

Смертию своею вои небесные укрепляя
в Вечные Селения отошла, где предстая

со всеми святыми, Единого Бога в Пресвятей Троице величаеши и славиши. Мы же, познавая святость твоего жития молим тя: и нас своими молитвами ко Господу и заступничеством не оставляяй, радование и ликование те приносяще, сице:

Радуйся, воинственница Христова, блаженством осиянная;

Радуйся крепостию веры убеленная;

Радуйся, жертвоподражанием Христовым освященная;

Радуйся, из земного служения к Ангельскому небесному служению призванная;

Радуйся, София, скорая помощница всем, с верою и любовью к тебе притекающим!

Кондак 10

Чадолубивый Господь, избрав тя на особое служение Себе, дая венец

нетленный и велию милость, восхищая
путями Своими, научает пети Ему:
Алилуия.

Икос 10

Смерть со чадом своим разделих, не
познаше полноту родительского жития
ко Родителю душ и телес отошла,
испросивши у Бога милости в мольбе за
непраздных и больных дочерей Божьих,
с верою и любовью притекающих к те.
И то ведуще, молим тя, Бога в тебе
прославляя сице:

Радуйся, любовь ко Христу Господу
выше плотской любви превознесшая;

Радуйся, детьми духовными
возлюбившими тя, обоготившаяся;

Радуйся, плод тленный и невечный
утерявшая, плоды рая насаждаяй;

Радуйся, на вечную радость и
нетленное, радость земную сменившая;

Радуйся, своим заступничеством и
ходатайством пред Богом, ходатайство

наше устрояя;

Радуйся, София, скорая помощница
всем, с верою и любовью к тебе
притекающим!

Кондак 11

Освященная любовью Христа Господа,
по успению своему с любовью взираеши
и на приходящих к тебе и ограждаеши
молящихся тебе от мора, язвы и многих
бед. Видящи на тебе проявленную
таковую благодать Божию, благодарне
воспеваем Богу: Аллилуия.

Икос 11

Светом Любви Божьей воссияя,
облеклась в ризы смирения и кротости,
мир народу купивши жертвенным
деянием Христу Богу подражая. Бог и
Господь наш, жертву твою принимая,
облек ты в ризы светлые и нетленные.
Сие введуще, богоподражательную
любовь твою воспевая, сами с любовью

к тебе воспеваху сице:

Радуйся, смиренню Христову
прилежная ученица;

Радуйся, смиренно живот свой в Руци
Божии предаваяй;

Радуйся, по смерти своей нас не
оставляяй;

Радуйся, молитвенница за всех
приходящих к тебе, ты же помощь и
утешение нам подаваяй;

Радуйся, нетлением честных мощей
твоих Господь ты прославляяй,

Радуйся, София, скорая помощница
всем, с верою и любовью к тебе
притекающим!

Кондак 12

Светом во тьме пожих и душу Творцу
предах, исповедах веру истинную,
многих научиши пети Богу: Аллилуия.

Икос 12

Поюще твоя многие чудеса и скорую дивную помощь в скорбные дни Белой Руси и тяжких скорбех и болезнех всех с верою притекающих к пречестным твоим мощам, зрящие помощь твою, благодарние, восхваляем тя сице:

Радуйся, Богом избранная помощница притекающим к тебе и просящим утешение;

Радуйся, просящим скорое поможение;

Радуйся, никтоже от тебя безутешным отыде;

Радуйся, яко тобою враг видимый и невидимый изыде;

Радуйся, София, скорая помощница всем, с верою и любовью к тебе притекающим!

Кондак 13

О, святая праведная София, княгиня Слуцкая, прими сие наше хвалебное пение с любовью тебе приносимое и

испроси у Бога мира и процветания народу нашему богоприятным твоим ходатайством. Да с тобою воспеваем Богу: Аллилуия.

(Этот кондак читается трижды, затем икос 1 и кондак 1)

Молитва

О, святая праведная мати наша, блаженная княгиня Софии, прими с любовью приношение веры, надежды и любви нашей и вознеси ко Господу, и яко при жизни была еси помощница и заступница всем православным христианом земли твоея, тако и ныне укрепи нас твердо и непоколебимо до смерти стояти за веру православную, согрей сердца наша любовью ко Господу и Пречистой Его Матери. Умоли Христа Бога нашего, да сохранит Церковь Свою святую от расколов и ересей, да утвердит в ней дух правыя веры и благочестия, дух ведения и любве, дух

мира и радости вечной, да вси члены ея духом и истиною покланяются Ему, да укрепит верных в благочестии и святости жизни, да обратит отпадших от Православной Церкви во святая недра ея. О святая мати, града Слуцка похвало и радости, умоли Господа, да избавит град твой и вся грады и веси Малыя, Белья и Великая России от глада, труса, потопа, огня, нашествия иноплеменных и междоусобных брани, от смертоносных язвы, да низпослет правителем нашим усердие, прозорливость, мудрость и верность, да управляют и судят по воле Его, да хранят установления Святой Церкви. Испроси всем с верою притекающим к раце святых мощей твоих мирное житие, тишину, просвещение умов и сердец, соблюди их от козней вражиих, от соблазнов мира, во зле лежащаго, и от всякия скорби и нужды, обрати нас к покаянию и исправлению, даруй

заблудшим истины познание,
недугующим исцеление. Упаси нас
благодатными твоими молитвами от
всех врагов видимых и невидимых и
сохрани от всякаго зла, да прославим во
вся дни жизни нашей Отца и Сына и
Святаго Духа и твое заступление во веки
веков. Аминь.